

16.februar 2015

Inatsisartut suleriaasianni § 37 naapertorlugu matumuuna Naalackersuisunut imaattumik apeq-quteqaateqarpunga:

Apeqqutit:

- 1. Naalackersuisut Realkredit-timut assingusumik nunatsinnut sineriammi tamanit attartorfigineqarsinnaasumik (erniakitsunik) aqqutissiuiniarpat? Piffissalersuisoqarnikuuva?**
- 2. Sinerissami nammineq piumassutsiminnik inerisaaniartunut attartornissamut assigiinerusunik periarfissiisoqarniarpa? Ass. illutaarniartut imaluunniit illuminnik annertuumik aserfallatsaaliuiniartut il.il.**
- 3. Nunatsinni innuttaasunut attartornissamut periarfissat assigiingissutaat annertuvoq, tamanna nalimmassarniarlugu qanoq iliuuseqartoqarniarpa?**

(Inatsisartuni ilaasortaq Suka K.Frederiksen, Siumut)

Tungavilersuut:

Sinerissamik atukkat assingiitsuupput, tamannalu nammineq pigisassanik iliuuseqarniartunut aporfiusarpoq, assersuutigalugu Qaqortumi naj ugallit kisimi realkredit aqqutigalugu attartorsinnasarput, sinnerinut atuutinngilaq banki kisimi periarfissaatinneqarpoq, taamatullu avannaani Ilulissani Aasiannilu kisimi atuupoq sinnerinut periarfissaanani banki kisimi periarfissaavoq.

Aningaasarsiornikkut annertuumik sunniuteqartarpoq attartornermi atugassaritinneqartut tungavigalugit, erniat nikingassutaat annertuujupput, bankimi 12% - realkredit 3%.

Illuliorniaaraani annertuumiluunniit iluarsartuussiniaraani, nakorsaagaluaraaniluunniit sumiiffiit ineriartorfiusutut taaneqartut avataanit najugaqaraani illuliortitsiniarneq iluarsartuussiniarnerluunniit ajornavippoq, illuatigullu ineriartorfiusuniikkaani attartornissaq realkredit aqqutigalugu apeqquserneqarneq ajorluni. Illoqarfiit ilaanni banki annertuumik

killilersuivoq attartorniarnarlu ajornakusoortuulluni taamaasilluni ass. illuliornissamut imaluunniit illumik piginnittunngornissaq ajornakusoorluinnarluni.

Ineriartorneq sumiiffinni tamani kissaatigineqarpoq, taamaattumik realkredit nunatsinni tamanut periarfissaanissaat ujartussallugu pisariaqarpoq; nunaq ataaseq – periarfissat assigiit.

Apequteqaatikka ullut siliffiusut qulit iluanni akineqarnissaat kissaatigaara.